

Surat Terbuka

Menurut siaran Yayasan Penyiaran Islam Indonesia yang mengutip siaran-siaran daripada beberapa banyak majalah-majalah Islam telah meriwayatkan hal-hal yang sangat menyedihkan tentang kedudukan umat Islam di Ethiopia (Habsyah). Di sana ada 12.000.000 umat Islam yaitu yang merupakan enam puluh peratus dari penduduk di sana, sedang puak raja yang memerintah tidak sampai 12 peratus sahaja. Keadaan-keadaan yang menyedihkan itu adalah seperti berikut:

Kira-kira 12.000.000 Muslimin yang merupakan 60% dari penduduk Ethiopia dalam tekanan penindasan pemerintahan Kaisar.

1. Agama Kaisar adalah agama Kristian Orthodox. Kaisar menjadi “Pelindung Salib Suci.” Suku Amhara merupakan golongan kecil yang berkuasa. Bahasa Amhara menjadi bahasa rasmi, agama mereka – Kristian Orthodox – agama rasmi negara.

2. Suku-suku lain yang merupakan 70% dari penduduk – yang kebanyakan memeluk agama Islam – tidak beroleh kesempatan memegang jabatan-jabatan penting. Tidak ada seorang Muslim pun duduk dalam jabatan menteri, duta, kepala jawatan atau kepala daerah. Di antara 12 orang kepala daerah provinsi dan 14 kepala daerah sub-provinsi tiada seorang pun beragama Islam.

3. Kaum Muslimin yang tertindas dan menderita kemiskinan diwajibkan membayar berbagai macam cukai – termasuk pajak pendidikan – sedang sekolah-sekolah hanya dibangun

di daerah-daerah yang berpenduduk Kristian. Dari 140.000 murid hanya 2.000 anak Islam.

4. Suku Amhara beransur-ansur menguasai pertanian dan tanah-tanah subur Walu, Harar, Jimma dan lain-lain sebagai pendatang-pendatang yang didorong pemerintah, sehingga petani-petani Islam makin jatuh dalam kemiskinan dan kemelantaran yang disebut “*gabar*”. Pembunuhan-pembunuhan dan penganiayaan terhadap kaum Muslimin kerap dilakukan oleh angkatan bersenjata.

5. Undang-undang dasar songlapan “Kaisar memeluk agama Kristian Orthodox dan menyatakan kaisar itu sebagai “Pelindung Salib Suci”, yang dalam kenyataannya telah melakukan peperangan-peperangan salib tersembunyi terhadap umat Islam dan patut digelar “Gada Penganiayaan Islam.” Kaum Muslimin diwajibkan membayar sumbangan untuk gereja dengan istilah untuk “pendapatan moral.” Thomas Arnold menunjukkan kenyataan akan adanya pembaptisan masuk Kristian secara paksa terhadap 55.000 kaum Muslimin.

Radio Addis Ababa dengan pemancarannya yang kuat menyiarkan propaganda-propaganda Kristian dalam berbagai bahasa, termasuk bahasa-bahasa Afrika di luar Ethiopia. Haile Selassie ditopang oleh gereja dan gereja Orthodox berkuasa bersama merajalelanya buta huruf dan kebodohan yang merata.

Kaum Muslimin terkurung, putus hubungan dengan dunia luar. Utusan al-Azhar pernah diusir dari Addis Ababa hanya beberapa jam setelah tiba di sana. Pengadilan syariat untuk urusan-urusan keagamaan Islam dalam kenyataan terhapus dengan undang-undang yang disahkan Kaisar dalam tahun 1961.

6. Penyebaran agama Kristian ketinggalan di Afrika apabila dibanding dengan perkembangan penganut agama Islam di sana, namun dengan bantuan negeri-negeri Kristian dan imperialism Barat golongan Kristian berkuasa dalam berbagai negeri Islam. Haile Selassie berunding dalam O.A.U., Persekutuan Afrika, yang didirikan pada tahun 1963. Di Amerika Haile Selassie mengatakan: 20 tahun

Surat Terbuka

lagi tidak ada kaum Muslimin

Afrika dalam kerajaannya.

Umat Islam Ethiopia terancam akan musnah di bawah tekanan penindasan moral dan fisik di bawah pemerintahan Kristian yang paling buruk pada saat ini. Yang sangat menyakitkan hati umat Islam sedunia ialah adanya pemimpin-pemimpin yang mengaku pemimpin Islam seperti Sukarno, yang mahu rangkul-rangkul dengan Firaun Ethiopia itu, yang lebih keji lagi dari Verwoerd dan Ian Smith dalam penindasannya atas dasar diskriminasi terhadap golongan rakyat yang satu-satunya ialah kerana memeluk agama yang tidak dianut oleh golongan kecil yang berkuasa.

Hendaklah kita ingat bahawa orang-orang yang senang menjilat sepatu durjana, yang mengabaikan ratap tangis umat yang tertindas sendiri kelak akan menjadi korban kezaliman kekuasaan jahat yang sekarang mereka abaikan.

Malaysia

4 APRIL 1968

KDN. 1172



PERAYAAN PIALA THOMAS

Yang di-Pertua Persatuan Badminton Malaysia, Kuala Lumpur, Kluar Johore, menerima rombongan rombongan dari Piala Thomas, berhubung kemenangan Indonesia sedunia dalam suatu pertandingan perlawanan di Singapura pada 27 Mac. Beliau menerima rombongan Piala Ia di-Malaysia. Menengah menerima piala Ia ialah kapten pasukan Piala Thomas, Kuala Lumpur, Kluar Johore, Perdana Menteri Tunja Abdul Rahman dan Puan Sharifah Rodiah ialah rombongan orang2 yang menyah-sikanse.

IKRAR TUN KPD SABAH

TIMBALAN Perdana Menteri Tun Abdul Razak berkata Bersejarah diKerbing Sarawak dari Thailand Ia memberi pengakuan kepada rakyat Sabah bahawa Kerajaan Pusat tidak akan mengabaikan

Gambar menunjukkan majlis keraian penerimaan *Thomas Cup* kembali ke Malaysia.

(Gambar dipetik dari "Warta Malaysia")

Madah Pujangga

Darjat kehampiran seorang mukmin kepada Tuhannya tidak pula sama, tetapi bertingkat-tingkat sebagaimana taatnya kepada Allah bertingkat-tingkat juga. Tetapi di dalam lingkungan iman itulah mereka terkumpul, barangsiapa yang lebih keras perjuangannya, lebih ikhlas dan tawakal, lebih redha menerima ketentuan Tuhan, itulah yang lebih dekat kepada Tuhan.

Hamka

(Dari buku Lembaga Budi)